



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

Lotharii II.

urn:nbn:de:hbz:466:1-11884

grauior etas impediebat , defuisse. Et statim post : Venerunt ergo Principes ad eum Hinglesem , scilicet Moguntinus , Colonensis , VVormatiensis , & Imperialia ab ipso exegerunt .

LOTHARIUS II.

HENRICO V. successit Lotharius II. Dux Saxoniæ è Comitibus Supplinburgi , cuius electionem his narrat verbis Otto Friesing. de gestis Frid. I. Imp. lib. I. c. 16. Igitur Albertus (nam id iuris dum Regnum vacat , Moguntini Archiepiscopi ab antiquiorib. esse traditur) principes Regni in ipsa ciuitate Moguntina tempore Autumnali conuocat , Et mox : ipse Lotharium Ducem Saxonum , viram tamen ex probitatis industria omni honore dignum , plus familiari rei quantum in ipso erat , quam communi commodo consulens , in Regem à cunctis qui aderant , Principibus , eligi persuasit . Et Chron. lib. 7. c. 17. Anno , inquit , 1125. Defuncto absq; hærede Henrico V. Principes Moguntie conueniunt , &c. Tandem Lotharius natione Saxo , voto omnium renitens valde & reclamans ad regnum tractus , sub praesentia Sedis Apostolica Legati XCIII. ab Augusto regnauit . Sigebertus æqualis , vel paucis annis senior , rem magis dilucidè sic narrat ad annum 1126. Mense Augusto Legati Apostolica Sedis , Archiepiscopi cum Episcopis , & Optimatibus Imperij

perij ex condicō conuenientes Moguntiae consulant sibi, & toti Romano Imperio de substituendo Rege. Lotharius Dux Saxonum, vir sapiens, & industrius præpotens diuitijs, & victorijs Omnium assensu eligitur. Et continuò subdit: Hic mense Septembri cum eisdem Legatis, & duobus Archiepiscopis, & octo Episcopis, & multis Abbatibus & cum eminentioribus Aula Regalis primoribus Aquisgranum veniens, Dominica die Idus Septembris à Friderico Archiepiscopo Coloniensi in Regem benedicitur, & vngitur. Et quia originales Principum literæ de obitu Henrici V. & noui Regis electione facienda, antequam LOTHARIUS eligeretur, reperiuntur apud Goldastum, Tom. I. constit. fol. 259. non pigebit eas his inserere, præsenti materiæ non inutiles.

Adalbertus Moguntinus, Fridericus Colonensis, Oudalricus Constantiensis, Buggo VVormatiensis, Arnolphus Spirensis, Oudalricus Fuldensis Abbas: Henricus quoque Dux Bauariae, Fridericus Dux Sueviae, Godefridus Palatinus Comes, Beringerus Comes de Sultzbach, & cæteri utriusque professionis Principes, qui exequijs Imperatoris intererant; Venerabili fratri OTTONI, EPISCOPO Babenbergeri, hinc fraternalis in CHRISTO orationes, inde fidelissimum deuotæ seruitutis obsequium.

Post

Postquam Imperator viam vniuersæ carnis ingressus est, & nos exequijs eius cum iusta deuotione, & reuerentia compleuimus, ipse ordo rei, & temporis qualitas exigere videbatur, vt de statu, & pace Regni aliquid conferremus, vt non abesset praesentia vestra consilium & aliorum Principum, tanto negotio utile, & pernecessarium, quam exspectare quia graue erat, & difficile, sedit omnium nostrum sententiæ, si vestra tantum non displicet concordia, Curiam in festo S. Bartholomei apud Mungiam celebrare, & ibidem conuenientibus Principibus, de statu, & successore Regni, ac negotijs necessarijs, prout spiritus S. aspirauerit, ordinare. Nullum tamen præiudicium deliberationi, & voluntati vestra facientes, nihil nobis singulare, ac priuatim in hac re usurpamus, quin potius discretioni vestrae hoc apprimè intimatum esse cupimus, quatenus oppressionis, qua Ecclesia cum vniuerso Regno usque modo laborauit, dispositionis diuinæ prouidentiam inuocetis, vt in substitutione alterius personæ sic Ecclesia suæ, & Regno prouideat, quod tanto seruitutis iugo amodo careat, & suis legibus vti liceat, nosque omnes cum subiecta plebe temporali perfruamur tranquillitate. Contestamur etiam dilectionem vestram, vt pacem credito nobis calitus populo infra prescriptum curiae terminum & ultra ad quatuor hebdomades ordinetis, quatenus tutior fiat concursus, ac reditus, & vt curialiter more videlicet antiquorum Principum cum propria impensa neminem pauperum laudentes conueniatis. &c.

Sup-

Superioribus etiam hoc adiucere libet, electo iam Lothario non omnino defuisse maleulos, ac inuidos. Narrat enim Helmoldus in hist. Slavorum cap. 42. & cum eo Albertus Abbas Stadensis ad an. 1126. in electione Lotharii. Indignati autem Francigenae virum Saxonem eleutatum in Regem, conati sunt alium suscitare Regem, Conradum videlicet, consobrinum Henrici Caesaris. Præualuit autem pars quæ fuit cum * Ludero, abiensque Romanam promotus est * Lothario. ad apicem Imperij per manus Innocentij Papæ, quod tamen contigisse ait Albertus Anno 1133.

CONRADVS III.

LOTHARIO mortuo succedit in Imperio Conradus III. de quo Otto Frising. lib. 7. cap. 22. Anno, inquit, ab Incarnatione Domini 1138. defuncto in Autumno sine filiis Imperatore Lothario conuentus generalis Principum Moguntiae in proxima Pentecoste indicitur. Quidam autem ex Principibus timentes ne forte in generali curia Henricus Dux Noricorum, qui tunc præcipui & nominis, & dignitatis in regno fuit, per potentiam præualerer, circa medianam Quadragesimam consilio habito in oppido Gallæ Confluentæ conuentum celebrant, ibique Conradum, Imperatoris Henrici sororium, de quo supra diximus, præsente Theodo uno Episcopo Cardinali, ac Sanctæ Romanae

G

Ecclesia